



AKT THEMELIMI

"WVP"- "Ndërmjetësim në Sigurime" - sh.p.k

Sot më datë 05.10.2006, unë i nënshkruari **Ardian KELMENDI**, shtetas austriak, i biri i Nexhmedin, i lindur më 23.03.1972 në Prishtinë dhe banues në Austri, me Nr. Pasaporte H0773554, në cilësinë e përfaqësuesit të shoqërisë austriake "WVP"-GmbH Austri, bazuar në autorizimin e datës 24.08.2006 të lëshuar nga Bordi i Kompanisë së sipërpërmendur, hartoj këtë Akt Themelimi të shoqërisë tregtare me përgjegjësi të kufizuar "WVP" – "Ndërmjetësim në Sigurime" – Sh.p.k.

1. FORMA

"WVP" -"Ndërmjetësim në sigurime"- sh.p.k. është një shoqëri tregtare me përgjegjësi të kufizuar.

2. ORTAKËT THEMELUES

Ortak themelues i shoqërisë është:

"WVP"-GmbH Austri - person juridik austriak, i themeluar si i tillë bazuar në ligjin austriak për shoqëritë tregtare, regjistruar në Gjykatën e Graz-it Austri me vendimin Nr. 2463 datë 13.12.1985, me seli të regjistruar - "Hans-Resel-Gasse 19, 8020 Graz Austri", e

përfaqësuar në bazë të autorizimit të Bordit të Kompanisë të datës 24.08.2006 nga:

Z. Ardián KELMENDI, shtetas austriak, i biri i Nexhmedin, lindur më 23.03.1972 në Prishtinë dhe banues në Austri, mbajtës i pasaportës me Nr. H0773554, madhor me zotësi të plotë juridike për të vepruar.

3. OBJEKTI

Objekti i veprimitarise të shoqërisë “WVP”- sh.p.k. është :

Kryerja e veprimitarise së shërbimit si Agjenci Imobiliare në vlerësimin e pasurive të paluajtshme, si dhe marketingu e ndërmjetësimi në fushën e sigurimeve private.

4. SELIA

Selia e shoqërisë tregtare “WVP” - sh.p.k. do të jetë në adresën: Rr. “Muhamet Gjollesha”, Nr. 51, Tiranë, Shqipëri.

Shoqëria ka të drejtë të hapi degë dhe të zhvillojë veprimitarinë e saj në të gjithë territorin e Republikës së Shqipërisë.

5. KOHËZGJATJA

Shoqëria do të zhvillojë aktivitetin për një periudhë kohore që fillon nga data e regjistrimit të saj si person juridik deri në datë 31 Dhjetor 2016. Ky afat mund të shtyhet me vendim të Ortakut të vetëm. Shoqëria e fillon aktivitetin në datën e regjistrimit të saj në Regjistrin Tregtar.

6. KAPITALI I SHOQËRISË

Kapitali themeltar i shoqërisë tregtare "WVP" - sh.p.k. është 100 000 (njëqind mijë) Lekë. Kontributi i derdhur për formimin e kapitalit themeltar, i përket tërësisht Ortakut të vetëm, i cili është "WVP"-GmbH Austri

Kapitali i shoqërisë tregtare mund të shtohet ose pakësohet me vendim të Ortakut të vetëm.

Në rast zvogëlimi të kapitalit, kuotat do të preken në mënyrë përpjeksimore me kontributin në Kapitalin Themeltar.

7. ORTAKËT DHE MBLEDHJA E ORTAKEVE

Ortaku i vetëm i shoqërisë tregtare "WVP" - sh.p.k. është edhe organi më i lartë i saj.

8. DREJTIMI DHE ADMINISTRIMI

Shoqëria drejtohet nga një Administrator. Administrator i shoqërisë "WVR" - sh.p.k. është **Z. Ardian KELMENDI**.

Administratori emërohet me vendim të Ortakut të vetëm, për një periudhë jo më shumë se tre vjet.

Përfaqësimi i shoqërisë tregtare "WVP"- sh.p.k. në marrëdhënie me të tretët dhe brenda kufijve që i njeh ligji dhe statuti, i përket Administratorit të saj **Z. Ardian KELMENDI**. Ai ka të drejtë të përfaqësojë Shoqerinë edhe në organet gjyqësore apo të ngarkojë për këtë qëllim një zyrë avokatie në mbrojtje të interesave të Shoqërisë.

9. SHPËRBËRJA DHE LIKUIDIMI

Shpërbërja dhe likuidimi i shoqërisë tregtare mund të vijë në çdo kohë dhe për çfarëdo shkaku ligjor, duke përfshirë dhe falimentimin, privimin për të ushtruar profesion tregtar, forca madhore, rast, lufte

dhe të çdo faktori tjeter që nuk varet nga vullneti i Ortakut të vetëm të Shoqërisë.



Themeluesi

Ortaku i Vetëm

Shoqëria "WVP" – GmbH Austri,

e përfaqësuar në bazë të Autorizimit të datës 24.08.2006 të Bordit të Kompanisë,
nga Z. Ardian KELMENDI.

A handwritten signature in black ink, appearing to read "Ardian Kelmendi". Below the main signature is a smaller, stylized initial "AK".



STATUT

I shoqërisë "WVP" - "Ndërmjetësim në sigurime" sh.p.k

KAPITULLI I DISPOZITA TË PËRGJITHËSHME

Neni 1

Forma juridike dhe emërtimi i shoqërisë

- 1.1. "WVP" - "Ndërmjetësim në Sigurime" sh.p.k është themeluar si shoqëri tregtare në bazë të ligjit nr. 7638 datë 19.11.1992 "Për shoqëritë tregtare" si dhe shtesave e ndryshimeve të bëra këtij ligji, si dhe aktit të themelimit të ortakëve.
- 1.2. "WVP" - Ndërmjetësim në Sigurime" sh.p.k është themeluar dhe funksionon si shoqëri me përgjegjësi të kufizuar.
- 1.3. Emërtimi i shkurtuar i shoqërisë është "WVP" sh.p.k. (më poshtë referuar si "Shoqëria").
- 1.4. Kjo shoqëri fiton të drejtat dhe detyrimet si person juridik dhe fillon ushtrimin e aktivitetit të saj me regjistrimin në organet përkatëse kompetente.
- 1.5. Shoqëria ushtron aktivitetin në përputhje me legjisacionin shqiptar, statutin e aktin e themelimit të saj.



Neni 2 Ortakët e shoqërisë

- 2.1. Shqëria është themeluar nga Ortaku i vetëm "WVP"-GmbH – person juridik austriak, i themeluar si i tillë bazuar në ligjin austriak për shoqëritë tregtare, regjistruar në Gjykatën e Graz-it Austri me vendimin Nr. 2463, datë 13.12.1985 me seli të regjistruar "Hans-Resel-Gasse 19, 8020 Graz-Austri". "WVP"-GmbH në bazë të autorizimit të Bordit të kësaj kompanie të datës 24.08.2006 i ka dhënë të gjitha të drejtat Z. Ardian KELMENDI, shtetas austriak, i biri i Nexhmedin, lindur më 23.03.1972 në Prishtinë dhe banues austriak, mbajtës i pasaportës me Nr. H0773554, madhor me zotësi të plotë në Austri, mbajtës i pasaportës me Nr. H0773554, madhor me zotësi të plotë juridike për të vepruar, të kryejë të gjitha veprimet për themelimin dhe rregjistrimin e shoqërisë tregtare "WVP" - **Ndërmjetësim në Sigurime**" sipas legjislacionit përkatës shqiptar, si dhe për fillimin e aktivitetit të sh.p.k sipas objektit.
- 2.2. Ortaku i vetëm përballon humbjet deri në kufirin e vlerës së kontributit të tij në kapitalin themeltar.

Neni 3 Kohëzgjataja

- 3.1. Shoqëria do të zhvillojë aktivitetin për një periudhë kohore që fillon nga data e regjistrimit të saj si person juridik deri në datë 31 Dhjetor 2016.
- 3.2 Ky afat mund të shkurohet ose të zgjatet me vendim të Ortakut të vetëm të shoqërisë sipas rregullave të përcaktuara në këtë statut.

Neni 4 Selia e shoqërisë

- 4.1. Selia e shoqërisë "WVP" - sh.p.k. është në adresën: Rr. "Muhamet Gjollesha", Nr. 51, Tiranë, Shqipëri.

4.2. Shoqëria mund të vendosë të hapë filiale, agjensi dhe zyra përfaqësie në të gjithë territorin e Shqipërisë.

Neni 5
Objekti i veprimitarisë

- 5.1. Objekti i veprimitarisë të shoqerisë "WVP" sh.p.k. është :
- 5.2. Kryerja e veprimitarisë së shërbimit si Agjenci Imobiliare në vlerësimin e pasurive të paluajtshme, si dhe marketingu e ndërmjetësimi në fushën e sigurimeve private.

KAPITULLI II

KAPITALI DHE KUOTAT E SHOQERISE

Neni 6
Kapitali themelor

- 6.1. Kapitali themeltar i shoqërisë, i nënshkruar dhe shlyer tërësisht prej ortakut të vetëm, është 100 000 lekë dhe është ndarë në 100 kuota me vlerë nominale 1000 lekë secila.
- 6.2. Kapitali themelor mund të shtohet ose ndryshohet vetëm me vendim të Ortakut të vetëm, sipas legjislativit në fuqi.
- 6.3. Kuotat janë nominative dhe nuk mundet asnjëherë të prezantohen nga letra me vlere.
- 6.4. Çdo kuote i takon e drejta e një vote.

Neni 7
Transferimi i kuotave

- 7.1. Kuotat e kapitalit janë lehtësish të transferueshme dhe mund të transferohen në çdo moment sipas ligjit shqiptar në fuqi.
- 7.2. Transferimet e pjesëve të kapitalit themelor duhet të vërtetohen me akt notorial.
- 7.3. Shoqëria dhe të tretët duhet ti respektojnë këto transferime apo marrin dijeni për to.
- 7.4. Pjesët e kapitalit themeltar janë lirisht të transferueshme ndërmjet ortakëve.

KAPITULLI III

MARRJA E VENDIMEVE, ADMINISTRIMI DHE KONTROLLI I SHOQËRISË

Neni 8

Ortaku i vetëm dhe vendimarrja

- 8.1. Vendimet merren nga Ortaku i vetëm.
- 8.2. Ortaku i vetëm vendos për çështje të tillë si emërimi ose shkarkimi i administratorëve, ekspertëve kontabël të autorizuar dhe likuiduesve, miratimi i raporteve të administrimit dhe të kontrollit, miratimi i llogarive vjetore, ndarja e fitimit, ndryshimet e statutit, zvogëlimi i kapitalit themeltar, transferimi i pjesëve të kapitalit themeltar tek të tretet, zgjatja e kohës së veprimtarisë së shoqërisë apo likuidimi i saj, shndërrimi i shoqërisë me përgjegjësi të kufizuar në formë të tjera etj.
- 8.3. Vendimet e Ortakut të vetëm duhet të evidentohen në një regjistër të posaçëm të mbajtur për këtë qëllim.

Neni 9

Administrimi

9.1. Shoqëria administrohet nga një Administrator. Në bazë të autorizimit të Bordit të drejtorëve të kompanisë "WVP" - GmbH (Ortaku i vetëm) të datës 24.08.2006, administrator i shoqërisë "WVP" - sh.p.k. është **Z. Ardian KELMENDI**.

9.2. Administratori emërohet me vendim të Ortakut të vetëm, për një periudhë jo më shumë se tre vjet.

9.3. Administratori përfaqëson shoqërinë në marrëdhënie me të tretët brenda kufijve që i njeh ligji dhe ky statut.

Neni 10

Marrëdhëni me të tretët

Në marrëdhënie me Ortakun dhe të tretët Administratori ka të gjitha kompetencat për të kryer të gjitha veprimet e administrimit në interes të shoqërisë dhe në emër të saj, nëpërmjet akteve që janë në përputhje me objektin e shoqërisë, duke përjashtuar ato kompetenca që ligji dhe statuti i shoqërisë ia jep Ortakut të vetëm.

Neni 11

Përgjegjësia e administratorit

Administratori është përgjegjës ndaj shoqërisë dhe ndaj të tretëve, në rastet e shkeljes së ligjit apo statutit të kryera këto gjatë administrimit.

Neni 12

Ekspertet kontabël të autorizuar

12.1. Në rast nevoje ose nëse e kërkon ligji, kontrolli i shoqërisë kryhet nga një ekspert kontabël i autorizuar i emëruar për tre vite financiare.

12.2. Eksperti kontabël emërohet dhe shkarkohet nga Ortaku i vetëm.

KAPITULLI IV

VITI FINANCIAR, LLOGARITE VJETORE, NDARJA E FITIMEVE

Neni 13

Viti financiar

- 13.1. Çdo vit financiar fillon në 1 Janar dhe përfundon në 31 Dhjetor.
- 13.2. Llogarite vjetore, inventari, raportet mbi operacionet e vtitit financiar dhe raportet e veçanta të hartuara nga administratori dhe eventualisht, nga eksperti kontabël i autorizuar, miratohen nga Ortaku i vetëm.
- 13.3. Miratimi i dokumenteve mbi veprimtarinë vjetore bëhet brenda një afati të caktuar prej 6 muajsh nga data e mbylljes së vtitit financiar.

Neni 14

Dividentët

Pas miratimit të llogarive vjetore dhe evidentimit të ekzistencës së fitimeve, Ortaku i vetëm përcakton pjesën që do të ndahet në formën e dividenteve mbi fitimin. Fitimi, që do të ndahet, në proporcion me pjesët e kapitalit themeltar, përbëhet nga fitimi i vtitit financiar, të cilit i janë zbritur shumat e lëna mënjanë përfondin rezerve të domosdoshëm (5% e fitimit te cdo viti deri sa ky fond te arrije vlerën e 1/10 e kapitalit themeltar) duke ju zbritur ose shtuar respektivisht humbjet apo fitimet e mbartura nga vitet e mëparshme.

KAPITULLI V

ZGJATJA E AFATIT, PRISHJA DHE LIKUIDIMI I SHOQËRISË

Neni 15

Zgjatja e afatit

- 15.1. Para përfundimit të afatit të përcaktuar ne nenin 3 të këtij statuti, Ortaku i vetëm mund të vendosë zgjatjen e tij.
- 15.2. Vendimi përkatës depozitohet në regjistrin përkatës të Gjykatës së Rrethit Gjyqësor Tiranë.

Neni 16

Prishja e shoqërisë dhe likujdimi

- 16.1. Shoqëria prishet në përfundim të afatit të përcaktuar në nenin 3 te këtij statuti, me përjashtim te rasteve ku bëhet zgjatja e afatit, ose kur ka një prishje te parakohshme per arsyet e parashikuara me ligj.
- 16.2. Shoqëria hyn në procesin e likuidimit që në momentin e prishjes së saj. Për kryerjen e këtij procesi Ortaku i vetëm emëron një ose disa likuidues.

Neni 17

Procedura për likuidimin

- 17.1. Likuiduesit, brenda 6 muajve nga data e emërimit, paraqesin raportin mbi gjendjen e aktivit dhe të pasivit të shoqërisë.
- 17.2. Likuiduesi përfaqëson shoqerinë dhe ka të gjitha kompetencat e nevojshme për likuidimin e aktivit dhe pasivit të saj. Ai është i autorizuar të paguajë të gjithë kreditorët sipas radhës së përcaktuar në legjislacionin përkatës shqiptar.
- 17.3. Pasi mbyllen të gjitha detyrimet e shoqërisë ndaj të tretëve likuiduesi u shpërndan ortakëve kapitalet e mbeturë.
- 17.4. Aktet e mbylljes së likuidimit së bashku me llogaritë përkatëse përfundimtare depozitohen në Regjistrin Tregtar.
- 17.5. Mbas mbylljes se likuidimit dhe depozitimit te dokumentacionit ne Regjistrin Tregtar, shoqëria ç' regjistrohet prej tij.

KAPITULLI VI

DISPOZITA TE FUNDIT



Neni 18

Shndërrimi i shoqërisë

Shndërrimi i shoqërisë me përgjegjësi të kufizuar në shoqëri kolektive, shoqëri komandite, ose shoqëri anonime mund të kryhet me vendim të Ortakut të vetëm.

Neni 19

Mosmarrëveshjet

Të gjitha mosmarrëveshjet që mund të lindin gjatë ekzistencës së shoqërisë, ose gjatë periudhës së likuidimit, do ti paraqiten për zgjidhje Gjykatës kompetente, e cila është Gjykata e Rrethit Gjyqësor Tiranë .

Neni 20

Hyrja në fuqi

- 20.1. Statuti hyn në fuqi mbas miratimit dhe regjistrimit të shoqërisë në Regjistrin Tregtar të Gjykatës së Shkallës së Parë Tiranë.
- 20.2. Ky statut është hartuar në katër ekzemplarë.

Ortaku i Vetëm

**Shoqëria "WVP" – GmbH, e përfaqësuar në bazë të Autorizimit të datës
24.08.2006 të Bordit të Kompanisë, nga Z. Ardian KELMENDI.**

A handwritten signature in black ink, appearing to read "Z. Ardian Kelmendi". Below the signature is a small number "8".